


**PARTORDING NI PARMINGGUON**  
**PESTA PADUAHON PARNINGOTAN**  
**ARI HAHEHEON NI TUHAN JESUS**

**SENIN, 6 APRIL 2026**  
**Pkl. 19.30 WIB**



**TOPIK:**

**“DIPAHEHE DEBATA ANGKA NA MATE”**

**HKBP KRAMAT JATI**  
**RESSORT KRAMAT JATI**

## HATA PANGARADEON

“Shalom..! Horas..!

Andorang so tamulai marhadaulaton marsaor dohot Debata, tapangke ma tingki sangombas martangiang di bagasan rohanta be.

Martangiang ma hita...”

(Dung didok Paragenda Amen., diuduti ma marhadaulaton.)

### I. MARENDE BE. No. 632: 1 – 3 “NUNGA HEHE KRISTUS”

BL.632

Nunga hehe Kristus marsihohot ma hamu  
Lam sumurung hita di ulaon ni Tuhanta  
Lam sumurung hita di ulaon ni Tuhanta  
Radot ma hita lao mangula tu Tuhanta  
Radot ma hita lao mangula tu Tuhanta

Nunga hehe Kristus marlas roha ma hamu  
Lam benget ma hita di sude parungkilonta  
Lam benget ma hita di sude parungkilonta  
Jugul ma hita martangiang tu Tuhanta  
Jugul ma hita martangiang tu Tuhanta

**[longjong]**

Nunga hehe Kristus lam margogo ma hamu  
Lao manghamonanghon paraloan di ngolunta  
Lao manghamonanghon paraloan di ngolunta  
Paima monang hita di paraloanta  
Paima monang hita di paraloanta  
Amen

### II. VOTUM – INTROITUS – TANGIANG (A.IX. A. B – D.VII.28)

### III. MARENDE BE. No. 93: 3 – 4 “PESTA PASKA HATUAON”

BL.94

Tuhan Jesus do na monang Tuhan Jesus do pasuang,  
las ni roha dame pe, las ni roha dame pe  
Dongan golom ma hataNa, na porsea di Ibana,  
ndang tarbahen mago be.

Sai tapuji ma Tuhanta, na pabongot tu rohanta,  
roha pangkirimon i, roha pangkirimon i

Ia mate pe donganta, sogot ingkon idaonta, saluhut di surgo i

**IV. PATIK : 1 Tesalonik 4: 14**

(Tatangihon ma Patik ni Debata di Minggu sadari on i ma sian 1 Tesalonik 4: 14)

**Ai molo porsea hita, naung mate Jesus dohot hehe, sandok togihonon ni Debata do rap dohot Jesus nang angka naung monding marhitehite Ibana.**

*I do sahatna. Antong, rap mangido gogo ma hita sian Tuhan Debata!*

***P+ R: Ale Tuhan Debata! Sai pargogoi ma hami mangulahon na hombar tu PatikMi. Amen.***

**V. MARENDE BE. No. 421: 1 – 2 “MARSOMBA AU DIJOLOMON”**

**BL281**

Marsomba au dijoloMon, ponjot, targogot rohangkon,  
Dibaen godang ni dosangkon, sai jangkon dohot au,  
Sai jangkon ma au on, na ramun diringkon,  
Tung pos do rohangki di Ho, dijangkon Ho au on.

**[longjong]**

Ndang haurupan au au on, na busuk nama rohangkon,  
Alai hutangkup hatamon: Sai ro ma ho tu Au.  
Sai jangkon ma au on, na ramun diringkon,  
Tung pos do rohangki di Ho, dijangkon Ho au on.

**VI. TANGIANG MANOPOTI DOSA (B.9 – C.15)**

**VII. MARENDE BE. No. 629: 1 – 2 “LAO DO AU TU TANOMAN I”**

**BL.629**

Lao do au tu tanoman i Tung sogot soada mardongan  
Dungi hubege soaraNa i, hehe hape Ibana  
Rap mardalan au, dhot Tuhanki, ndang hapalang las ni rohangki  
Ai didok “Ibana nampuna au” rap Jesus martua do au.

Uli do soaraNa i Na mambaen hohom humaliang  
Ende na uli, na dirohangki Paganda las ni roha.  
Rap mardalan au, dhot Tuhanki, ndang hapalang las ni rohangki  
Ai didok “Ibana nampuna au” rap Jesus martua do au.

**VIII. EPISTEL: Markus 16: 9 – 18 (*Responsoria*)**

**P : Tatangihon ma Hata ni Debata Epistel di Minggu sadari on, na tarsurat di Markus 16: 9 – 18.**

**Alai anggo Jesus, naung mulak mangolu, sogot di ari parjolo dung ari Sabbat i, dipataridahon do dirina jumolo tu si Maria Magdalena (sian i do dipabali najolo pitu sibolis).**

*R : Jadi laho ma i paboahonsa tu angka na mandongani Ibana najolo, angka na marsak jala tumatangis.*

**P : Alai ndang porsea nasida, naung mangolu jala naung diida si Maria Ibana.**

*R : Dung i dipataridahon Ibana muse dirina tu dua halak sian nasida, marrupahon rupa na asing, di na laho marhutasada nasida.*

**P : Jadi dohot ma nasida ro mamaritahonsa tu angka donganna i; alai nang nasida, ndang dihaporseai.**

*R : Dung i muse uju hundul nasida mangan, dipataridahon ma dirina tu na sampulusada i, dipinsang ma ganggu dohot jogal ni rohanasida, ala so porsea nasida di angka naung marnida Ibana, naung hehe sian na mate.*

**P : Jadi ninna ma mandok nasida: Laho ma hamu tu liat portibi on; jamitahon hamu ma barita na uli i tu nasa na tinompa.**

*R : Na porsea jala tardidi, dapotan haluaon; alai na so porsea i, hona uhum do!*

**P : Jala on ma tanda angka na mangihut tu na porsea: Pabalionnasida do angka sibolis marhitehite Goarhu dohot mangkatahon hata na imbaru.**

*R : Jomputonnasida do angka, ulok, jala nang diinum rasun hamatean, ndang pola mahua nasida; ampehononnasida ma tanganna tu angka na marsahit, gabe malum ma hilalaonna.*

**P : Ido sahatna. Martua do angka na tumangihon hata ni Debata jala na umpeopsa.**

*R : Amen.*

**IX. MARENDE BE. No. 90: 1 – 2 “SAI TAPUJI DEBATANTA”**

**BL.175**

Sai tapuji Debatanta, ale hajolmaon i  
Ai naung hehe do Tuhanta, sian hamatean i  
Dipasidung Jesus i ulaonNa sasude  
Patupahon haluaon di saluhut hajolmaon.

***[Jongjong]***

Anggo utang ni dosangku digarari Jesus i  
I do haporseaonku di na tinaonNa i  
Nunga tulus patik i nunga mintop rimas i  
Di na hehe i Ibana ro di au hangoluanNa

**X. MANGHATINDANGHON HAPORSEAON**

**P : Tahatindanghonma haporseaonta i, songon na hinatindanghon  
ni donganta sahaporseaon di sandok portibi on.**

**Rap ma hita mandok!**

*P+R: Ahu porsea di Debata Jahowa.....*

***[Hundul]***

**XI. SUNGGUL-SUNGGUL**

**XII. MARENDE BE. No. 91: 1... “HATUAON DO”**

**BL.55**

***(Papungu Pelean Ia dohot Ib)***

Hatuaon do, las ni roha do Hangongot ni Tuhanta i  
Mago do hita ngot ma Tuhanta las be, las be ma rohanta i.  
Mago do hita ngot ma Tuhanta las be, las be ma rohanta i.

***[instrument musik]***

Hatuaon do, las ni roha do Hangongot ni Tuhanta i  
Monang do Jesus talu sibolis las be, las be ma rohanta i.  
Monang do Jesus talu sibolis las be, las be ma rohanta i.

***[instrument musik]***

Hatuaon do, las ni roha do Hangongot ni Tuhanta i  
Mungkap do dalan tu hangoluan las be, las be ma rohanta i.  
Mungkap do dalan tu hangoluan las be, las be ma rohanta i.

***[instrument musik]***

Hatuaon do, las ni roha do Hangongot ni Tuhanta i  
I ma gogonta dampak dosanta las be, las be ma rohanta i.  
I ma gogonta dampak dosanta las be, las be ma rohanta i.

***[instrument musik]***

Hatuaon do, las ni roha do Hangongot ni Tuhanta i  
Monang ma hita jumpa ajalta las be, las be ma rohanta i.  
Monang ma hita jumpa ajalta las be, las be ma rohanta i.

***[instrument musik]***

**XIII. JAMITA, Jesaya 26: 17 – 19**

**XIV. MARENDE BE. No. 633: 1 – 5 “NUNGA HEHE KRISTUS I”** **BL.633**  
***(Papungu Pelean II)***

Nunga hehe Kristus i, haleluya Sian hamatean i, haleluya  
Parlangitan johon ma, haleluya. Tano on alusi ma haleluya.

***[instrument musik]***

Singkop panghophopNa i, Haleluya Gok hamonanganNa i, Haleluya  
Sondang haluaon i, Haleluya. Patiur dalanta i, Haleluya.

***[instrument musik]***

Tartaban naroko i, Haleluya Di baen Tuhan Jesus i, Haleluya  
Nunga mungkap surgo i, Haleluya Di na tinobusNa i, Haleluya.

***[instrument musik]***

Monang do Tuhanta i, Haleluya Talu hamatean i, Haleluya  
Mago do sorop na i, Haleluya. Ala monang Tuhan i, Haleluya.

***[instrument musik]***

Sangap ma di Tuhan i, Haleluya Puji ma goarNa i, Haleluya.  
Baen hamonanganNa i, Haleluya Banondangi ngolumi, Haleluya.

***[instrument musik]***

**XV. PANUTUP**  
**TANGIANG PELEAN – ALE AMANAMI**  
**PASUPASU – AMEN AMEN AMEN**



**PENDETA DAN PARHALADO HKBP KRAMAT JATI**  
**RESSORT KRAMAT JATI PASAHATHON :**  
**“Selamat Ari Paskah Paduahon,**  
**Shalom”**

